



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Dubium I. Quid probandum sit agenti ex interdicto Unde vi?

[urn:nbn:de:hbz:466:1-73001](#)

den Landfrieden ; de quo pluribus Schneidewinus l. 4. *Instit. Tit. 15. Q. Recuperanda n. 9.* Hoc interdictum vocatur *Unde vi*; quoties enim possessor probaverit, sive per se, sive per alium inquinatum, filium, servum, possedisse tum res immobiles, tum mobiles, & per vim suisse à sua possessione sive naturali, sive civili dejectum; uti hoc remedio potest, ut sibi restituatur possessio, & spoliator condemnetur, quanti sua intererat, non esse à possessione exclusum; sic habetur L. 1. ff. de vi, & vi armata, L. in interdicto, ff. eod. L. 2. cum seq. C. unde vi, §. Recuperanda, *Instit. de interdicto.* Interdicta retinendæ possessionis, quæ diximus esse, uti possedeatis, & utrobi (quæ aliqui nunc vocant manutentiam) sic appellata sunt ab Interdicti primis verbis (ut ait Zoësius in l. 4. *Instit. tit. 15. n. 10.*) hoc autem etiam à vi, seu spoliatione, quæ quis à possessione sua dejectus est, ut in id deum restituatur, unde vi dejectus est.

Not. autem, *privatam vim* dici, quæ sine armis, *publicam*, quæ sit armis, inter quæ non solum gladii, bombardæ, &c. sed etiam fustes, & lapides numerantur. De hoc interdicto Prætor sic loquitur: *Unde tu illum vi dejectisti, aut familiaria dejectit, de eo, quæquæ ille tunc ibi habuit tantummodo intra annum; post annum de eo, quod ad cum, qui vi dejectit, pvernit, judicium dabo.*

D U B I U M. I.

Quid probandum sit agenti ex interdicto Unde vi?

1132. **R**Esp. probandum esse, quod possedebit; & quod vi à rei possessione dejectus sit; L. 1. §. *interdictum, ff. de vi, & vi armata.* Difficultas est, quæ vis requiratur, & sufficiat, ut verificetur, prout jure requiritur, quod *vi dejectus* sit, & agere possit ex hoc interdicto? hinc quæstio est. 1. an ad verificationem dejectionis vi factæ sufficiat, quod quis metu impulsus (quia v. g. videt venire Prædonem, vel turmam cum armis contra se) possessionem deserat? 2. si vi compulsus ipse tradit possessionem? 3. an si quis per vim impediatur à possessione rei capienda? 4.

Tom. II.

si quis vi dejiceret solum possessorem; non autem domesticos ejus? 5. si vi dejectus statim recuperavit possessionem? 6. an si quis vi dejectus sit ab alio, qui tamen rem non occupavit?

Ad 1. Resp. non sufficere, ut verificetur, aliquem esse *vi dejectum*, si quis possessionem rei deseruit, metu impendentis mali compulsus, nisi metum incutiens possessionem oculaverit; cùm enim actio ex ipsis interdictis constituta sit jure positivo; ut ea competat, necesse est, interveniente vim sub iis circumstantiis, sub quibus *vi dejecto* jus constituit hoc remedium recuperandæ possessionis: sed hoc non constituit pro casu, quo quis metu compellitur possessionem, saltem corporalem, deserere, nisi alter rem occupaverit; ergo. Min. probatur ex L. 1. §. 29. b. t. ubi esto Labeo dicat, *eum, qui metu turbæ perterritus fugerit, videri dejectum:* Pomponius tamen contrarium sensit, dicens: *vim sine corporali vi locum non habere;* & Ulpianus, *ego etiam eum, qui fugatus est supervenientibus quibusdam, si illi vi occuparunt possessionem, videri vi dejectum;* quod repetit L. 3. §. 7. ibi: *proinde, eis armatos audisset venire, metu decesserit de possessione, dicendum non esse, eum armis dejectum, nisi possessio ab his fuerit occupata.*

Ad 2. Resp. non sufficere; nam aliud est, vi compelli ad traditionem possessionis; aliud vi expelli à possessione, ut videatur dici L. 5. b. t. ibi: *si rerum tibi possessionem tradidero,* dicit Pomponius, *unde vi interdictum cessare: quoniam non est vi dejectus, qui compulsus est in possessionem inducere;* hoc tamen videtur intelligendum de vi conditionali, quam causat metus mali, cæteròquin subeundi ex malitia, malum couminantis; non de vi absoluta, quæ est præcisa coactio, de qua ex professio egimus l. 4. à n. 389. Ad 3. distinguendum est, an impeditus vi à capienda possessione, nec naturaliter, nec civiliter adhuc possideat? an vero, si jam civiliter possideat, per alium, vel ipse, possessionem etiam naturalem capere velit? In primo casu dicendum est negativè; qui enim nec naturaliter, nec civiliter rem possidet, esto impeditur vi ab ea capienda, *non dejectus;* eum enim, qui nequè animo, nequè corpore possidet, ingredi autem, & incipere possi-

N n

possidere prohibeatur, non videri dejectum verius est: *dejicitur enim, qui amittit possessionem, non, qui non accipit*; prout habetur §. 26. in secundo autem casu contrarium est propter rationem oppositam.

1135.

Ad 4. Resp. negativè; quia adhuc posfideret per suos; ad 5. Resp. pariter negativè, ex L. 3. & 9. ff. h. t. ibi: *eum, qui cum armis venit, possimus armis repellere, sed hoc confessim, non ex intervallo: dummodo sciamus non solum resistere permisum, ne dejeiciatur; sed et si dejectus quis fuerit, eundem dejeicere non ex intervallo, sed ex continenti; talis enim non amittit possessionem civilem.* Ad 6. Resp. quòd sic, si tunc alias in vacuam possessionem intravit, prout habetur L. 4. ff. de Usurpat. §. 22. ibi: *si tu me vi expuleris de fundi possessione, nec apprehenderis possessionem, sed Titius in vacuam possessionem intraverit, potest longo tempore capiri res: quamvis enim interdictum, unde vi, locum habeat, quia verum est, vi me dejectum; non tamen verum est, & vi possessum.*

D U B I U M II.

An hoc interdictum detur contra quemvis violentum dejectorem?

1136.

Resp. quòd sic, quando quis dejectus est vi à possessione rei immobilis; L. 1. ff. unde vi; & ideo juxta Panormitanum, & Fachinæum l. 8. c. 10. hoc interdicto etiam succurrerit Prædoni, seu spoliatori, si & ipse ex eadem possessione vi dejeiciatur. Sed in hoc non oīnes convenient; tametsi enim multi affirment, ut dictum est; negativam tamen sequuntur plures, præsertim apud Modernos Juristas, ut notat Haunold. tom. 1. tr. 3. n. 364. & Tertia sententia; quorum argumenta sunt; primò, ex L. 1. §. qui à me 3. ff. h. t. ibi: *qui à me vi possidebat, si ab alio dejeiciatur, habet interdictum*, ergo per argumentum à contrario, qui non ab alio dejeicitur, sed à me, qui ab illo etiam dejectus sum, non habet hoc interdictum; Secundò ex c. cum dilectus, 6. h. t. ubi dicitur, quòd, licet in pronuntiatione sit possessio præmittenda; in executione tamen debat prævalere proprietas; ergo ubi constat de Dominio, non est curanda possessio; 3. quia notorio Prædoni,

vel spoliatori concederetur sine fructu, cùm exceptione doli posset submoveti; 4. ex L. Bona fides, ff. depositi, ibi: *non est ex bona fide, rem suam Dominum prædoni restituere compelli*; 5. ex c. Ad decimas. 2. de restit. spoliat. ubi agentibus contra spoliatorem Decimarum restitutio negatur; nisi evidenter probaverint possessionem legitimè acquisitam, propter præsumptionē de occupationē injusta; 6. c. Constitutus. 8. de filiis presbyt. ex hoc filius beneficio diu possesso vi spoliatus non restituitur, si Pater ejus prius in ea Ecclesia cum titulo ministravit; ita negantes.

Affirmantes vero probant 1. ex c. in litteris, 5. de restit. spoliat. ubi Alexander III. Episcopo Brixieni rescribens, super illa, inquit, questione, videlicet cùm quis dicit se de possessione violenter ejectum: & Adversarius dicit, cùm non fuisse Canonicè institutum; respondemus: prius de violenta ejectione, quam de Canonicâ institutione agi debere: *quia prædo etiam est secundum rigorem juris restituendus.* Plures ejusdem sententiæ probationes satis claras adducit Haunold. cit. tom. 1. tr. 3. n. 370. ex jure civili L. 7. C. h. t. L. 4. §. si Dominus, ff. de usurpat. §. 6. Instit. de interdict. Nec rationes sententiæ negantis efficaciter intentiū probant. Nam prima ratio ex L. 1. in n. 1136. indebitè exponit legem; nam sic non haberet interdictum contra mē spoliatus; si; postquam ab eo dejectus sum; cum ex intervallo rursus dejeici; cuius tamen oppositum ex communi diceendum est. Genuinus porrò sensus illius legis est; quòd spoliatus ab alio, semper uti possit hoc interdicto; non autem, qui à spoliato spoliatur; cùm prius examinari debeat, an hoc in continenti; an ex intervallo fecerit?

Ad 2. ex c. cùm dilectus. Resp. nihil exinde ad intentum probari; solum enim dicit, quòd causa possessionis prius esse debeat in pronuntiatione; proprietatis autem, in executione; non igitur negatur spoliato interdictum, & pronuntiatio secundum illud; licet, ubi confiterit de proprietate, habeat subsidium tantum momentariū ex pronuntiatione. Ad 3. Resp. non posse illi opponi exceptionem doli, saltem cum effectu; cùm ordo juris exigat spoliatum ante omnia restituendum esse; alias, qui possessionem clam occupavit, & vi dejectus est, non